

¡BOMBA!

Que pone todo su esmero,
nadie lo puede negar;
porque ante don Omar,
uno se quita el sombrero



K'uintsil

Edición de fin de semana, del viernes 31 al domingo 2 de agosto de 2026

CAMPECHE · YUCATÁN · QUINTANA ROO · AÑO 12 · NÚMERO 2779 · www.lajornadamaya.mx

TURIX

CHAN BA'ALCHE' YAAN U
BOOX T'O'OLIL TU XIIK'

OOCHEL COLORBLINDBIRDER

ESPECIAL: FAUNA NUESTRA /
DE LA REDACCIÓN / P 42 YEETEL 43

Le chan turix je'ela', juntúul chan ba'alche' k'ajóolta'an tumen yaan junt'o'ol boox yeetel kóoch chúumuk ti' u lalaj u kamp'eel xiik', ts'o'oke' k'a'anan keen ila'ak tumen u k'aat u ya'al uts yanik kuxtal humedales, beyxan ku ts'aak u p'iis u yantal ik'elo'ob. Libélula chinchilejo u k'aaba' ich kaastelan t'aan.

U científico k'aaba'e' Erythrodiplax umbrata, méek'a'an tumen Libellulidae wa libélulas rayadoras baatsil. Ya'ab u yila'al ichil tuláakal continente, tu noojolil Estados Unidos tak Sudamérica yeetel Caribe. Juntúul ti' le ba'alche'ob kaja'an tu k'áaxil Área de Protección de Flora y Fauna "Laguna de Términos", tu méek'tankaajil Kaanpech.

Chinchilejo turixe' ku chiikbesik tu wiinkilal wa u xch'uupul wa u xiibil ba'alche'il, ts'o'oke' ya'ab u k'éexel tu chichnil tak keen nojochchajak, beey tu tsolaj máax beetik u k'aytajilo'ob

u múuch'kabil "Desarrollo y Medio Ambiente", A.C., Jacqueline May Díaz.

"Ma' seen nojoch mix jach chichani' ku p'isik kex 5 cms. U xiibile' juul boox wa boox chak u wiinkilal, ts'o'oke' keen kaajak u ch'iijile' ku piixil yeetel jump'eel ba'al beey ch'ooj ta'ane'. U xch'upul turixe' ma' taan u jach léembal ts'o'oke' beey samal boox wa ya'ax u boonil. U xiik'e' jaaytsile'en yeetel mina'an u boox t'o'olil tu chúumukil. Tu jeele' yaan jump'eel boox chak ch'aaj tu ti'itsil u xiik'o'ob", tu ya'alaj.

Ichil tuláakal u kuxtale' ku maan u chuk bak' u jaantej, ba'ale' yaan jayp'eel ba'alo'ob ku k'éexel je'el bix u bin u nojochtal, tu ya'alaj j biólogo Fermín Chaidez Ochoa.

Ken nojochchajak turixe', ku tsa'aayal u chuk u yo'och kex taan u xik'nal. "Ku jaantik mejen k'oxol, xya'axkach yeetel u mejenil péepen, ichil uláak'o'ob", tu ya'alaj.

